



განმცხადებელი (დაინტერესებული პირი)

ქალაქ თბილისის მუნიციპალიტეტის მერია
მისამართი: შარტავას ქ. 7ა
საკონტაქტო ინფორმაცია: 2722222; (+995 32) 2 72 22 22;
განცხადების N: 01-0124355787 განცხადების თარიღი: 20.12.2024
ხელმოწერი: კახა კალაძე თანამდებობა: მერი

განცხადება/რომენკლატურა

ქალაქ თბილისის მუნიციპალიტეტის საკრებულო
თავისუფალი განცხადება

მოთხოვნის ტექსტი

რიგი დადგენილებების ცვლილების გადაგზავნა - პერსონალური კონსულტანტი და დარქარებული მომსახურება

დამატებითი ინფორმაცია

- ფურცლების რაოდენობა: 0
- დანართი: -
- პასუხის გაცემის ფორმა:



ქალაქ თბილისის მუნიციპალიტეტის მერი



წერილის ნომერი: **01-0124355787**
თარიღი: **20/12/2024**

ადრესატი: ქალაქ თბილისის მუნიციპალიტეტის საკრებულო
მისამართი: თავისუფლების მოედანი N2

ქალაქ თბილისის მუნიციპალიტეტის საკრებულოს თავმჯდომარეს,
ბატონ გიორგი ტყემალაძეს,

ბატონო გიორგი,

საქართველოს ორგანული კანონის „ადგილობრივი თვითმმართველობის კოდექსის“ 73-ე მუხლის მე-2 პუნქტის „თ“ ქვეპუნქტის შესაბამისად, დასამტკიცებლად წარმოგიდგინებ:

- „ქალაქ თბილისის მუნიციპალიტეტის არასამეწარმეო (არაკომერციული) იურიდიული პირი „მუნიციპალური სერვისების განვითარების სააგენტოს“ მიერ გასაწევი ზოგიერთი ანაზღაურებადი მომსახურების სახისა და საფასურის ოდენობის დამტკიცების შესახებ“ ქალაქ თბილისის მუნიციპალიტეტის საკრებულოს 2021 წლის 7 სექტემბრის №87-81 დადგენილებაში ცვლილების შეტანის თაობაზე“ ქალაქ თბილისის მუნიციპალიტეტის საკრებულოს დადგენილებისა და
- „ქალაქ თბილისის მუნიციპალიტეტის საჯარო სამართლის იურიდიული პირის – ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს მიერ დაჩქარებული მომსახურების გაწევისა და მასზე დაწესებული საფასურის გადახდის რეგულირების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 20 ოქტომბრის №31-74 დადგენილებაში ცვლილების შეტანის თაობაზე“ ქალაქ თბილისის მუნიციპალიტეტის საკრებულოს დადგენილების პროექტებს, რომლებიც მოწონებულია ქალაქ თბილისის მუნიციპალიტეტის მთავრობის 2024 წლის 18 დეკემბრის N24.2186.2451 განკარგულებით.

გთხოვთ, საკითხი განიხილოთ ქალაქ თბილისის მუნიციპალიტეტის საკრებულოს მორიგ სხდომაზე.

დანართი: 14 (თოთხმეტი) ფურცელი.

- ქალაქ თბილისის მუნიციპალიტეტის მთავრობის 2024 წლის 18 დეკემბრის N24.2186.2451 განკარგულება - 1 (ერთი) ფურცელი;
- „ქალაქ თბილისის მუნიციპალიტეტის არასამეწარმეო (არაკომერციული) იურიდიული პირი „მუნიციპალური სერვისების განვითარების სააგენტოს“ მიერ გასაწევი ზოგიერთი ანაზღაურებადი მომსახურების სახისა და საფასურის ოდენობის დამტკიცების შესახებ“ ქალაქ თბილისის მუნიციპალიტეტის საკრებულოს 2021 წლის 7 სექტემბრის №87-81 დადგენილებაში ცვლილების შეტანის თაობაზე“ ქალაქ თბილისის მუნიციპალიტეტის საკრებულოს დადგენილების პროექტი და განმარტებითი ბარათი - 5 (ხუთი) ფურცელი;
- „ქალაქ თბილისის მუნიციპალიტეტის საჯარო სამართლის იურიდიული პირის – ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს მიერ დაჩქარებული მომსახურების გაწევისა და მასზე დაწესებული საფასურის გადახდის რეგულირების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 20 ოქტომბრის №31-74 დადგენილებაში ცვლილების შეტანის თაობაზე“ ქალაქ თბილისის მუნიციპალიტეტის საკრებულოს დადგენილების პროექტი და განმარტებითი ბარათი; - 8 (რვა) ფურცელი.

პატივისცემით,

კახა კალაძე

ქალაქ თბილისის მუნიციპალიტეტის მერი

გამოყენებულია კვალიფიციური
ელექტრონული ხელმოწერა/
ელექტრონული შტამპი





ქალაქ თბილისის მუნიციპალიტეტის მთავრობა



განკარგულება - N 24.2186.2451
18 / დეკემბერი / 2024 წ.

ქალაქ თბილისის მუნიციპალიტეტის საკრებულოს რიგი დადგენილების პროექტების მოწონების თაობაზე

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-3 პუნქტისა და 75-ე მუხლის „ბ.ა“ ქვეპუნქტის საფუძველზე,

ქალაქ თბილისის მუნიციპალიტეტის მთავრობამ გადაწყვიტა:

1. მოწონებულ იქნეს:

ა) „ქალაქ თბილისის მუნიციპალიტეტის არასამეწარმეო (არაკომერციული) იურიდიული პირი „მუნიციპალური სერვისების განვითარების სააგენტოს“ მიერ გასაწევი ზოგიერთი ანაზღაურებადი მომსახურების სახისა და საფასურის ოდენობის დამტკიცების შესახებ“ ქალაქ თბილისის მუნიციპალიტეტის საკრებულოს 2021 წლის 7 სექტემბრის №87-81 დადგენილებაში ცვლილების შეტანის თაობაზე“ ქალაქ თბილისის მუნიციპალიტეტის საკრებულოს დადგენილების პროექტი, ამ განკარგულების დანართი 1-ის შესაბამისად;

ბ) „ქალაქ თბილისის მუნიციპალიტეტის სავარო სამართლის იურიდიული პირის - ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს მიერ დაჩქარებული მომსახურების გაწევისა და მასზე დაწესებული საფასურის გადახდის რეგულირების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 20 ოქტომბრის №31-74 დადგენილებაში ცვლილების შეტანის თაობაზე“ ქალაქ თბილისის მუნიციპალიტეტის საკრებულოს დადგენილების პროექტი, ამ განკარგულების დანართი 2-ის შესაბამისად.

2. ამ განკარგულების პირველი პუნქტით გათვალისწინებული პროექტი წარედგინოს ქალაქ თბილისის მუნიციპალიტეტის საკრებულოს, საქართველოს კანონმდებლობით დადგენილი წესით.

3. კონტროლი განკარგულების შესრულებაზე დაევალოს ქალაქ თბილისის მუნიციპალიტეტის მერის პირველ მოადგილეს (ვიცე-მერი) ირაკლი ხმალაძეს.

4. ამ განკარგულების გასაჩივრება, დაინტერესებული მხარის მიერ, შესაძლებელია მისთვის განკარგულების გაცნობიდან ერთი თვის ვადაში, თბილისის საქალაქო სასამართლოში (მისამართი: ქ. თბილისი, დავით აღმაშენებლის ხეივანი №64), საქართველოს კანონმდებლობით დადგენილი წესით.

ქალაქ თბილისის მუნიციპალიტეტის მერი

კახა კალაძე



**ქალაქ თბილისის მუნიციპალიტეტის საკრებულოს
დადგენილება**

„ქალაქ თბილისის მუნიციპალიტეტის არასამეწარმეო (არაკომერციული) იურიდიული პირის „მუნიციპალური სერვისების განვითარების სააგენტოს“ მიერ გასაწევი ზოგიერთი ანაზღაურებადი მომსახურების სახისა და საფასურის ოდენობის დამტკიცების შესახებ“ ქალაქ თბილისის მუნიციპალიტეტის საკრებულოს 2021 წლის 7 სექტემბრის №87-81 დადგენილებაში ცვლილების შეტანის თაობაზე

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2 პუნქტის და „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ქალაქ თბილისის მუნიციპალიტეტის საკრებულო ადგენს:

მუხლი 1.

„ქალაქ თბილისის მუნიციპალიტეტის არასამეწარმეო (არაკომერციული) იურიდიული პირის „მუნიციპალური სერვისების განვითარების სააგენტოს“ მიერ გასაწევი ზოგიერთი ანაზღაურებადი მომსახურების სახისა და საფასურის ოდენობის დამტკიცების შესახებ“ ქალაქ თბილისის მუნიციპალიტეტის საკრებულოს 2021 წლის 7 სექტემბრის №87-81 დადგენილების (www.matsne.gov.ge, 08/09/2021, 010250050.35.101.016900) პირველი მუხლის მე-2 პუნქტის „ნ“ ქვეპუნქტით დამტკიცებულ „მუნიციპალური სერვისების პერსონალური კონსულტანტის მომსახურების პირობებისა და საფასურის ოდენობის განსაზღვრის წესში“ (დანართი №13) შეტანილ იქნეს შემდეგი ცვლილება:

1. მე-6 მუხლის მე-5 პუნქტი ჩამოყალიბდეს შემდეგი რედაქციით:

„5. პერსონალური კონსულტანტი იღებს შრომის ანაზღაურებას კანონმდებლობით დადგენილი წესით რაც, ქალაქ თბილისის მუნიციპალიტეტის მთავრობის გადაწყვეტილებით, შესაძლებელია მოიცავდეს ასევე დამატებით შრომის ანაზღაურების მიცემას თითოეულ ობიექტზე ან/და ამ წესის მე-9 მუხლის შესაბამისად გაწეული მომსახურებისათვის.“.

2. წესს დაემატოს შემდეგი შინაარსის მე-9 მუხლი:

„მუხლი 9. პერსონალური კონსულტანტის მომსახურების განსაკუთრებული პირობები

1. პირი, რომელიც ქალაქ თბილისის მუნიციპალიტეტის საჯარო სამართლის იურიდიულ პირს – ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს მიმართავს „ქალაქ თბილისის მუნიციპალიტეტის საჯარო სამართლის იურიდიული პირის – ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს მიერ დაჩქარებული მომსახურების გაწევისა და მასზე დაწესებული საფასურის გადახდის რეგულირების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 20 ოქტომბრის №31-74

დადგენილებით დამტკიცებული წესის მე-5 მუხლის 4¹ პუნქტის „ა.ა“, „ბ.ა“, „გ.ა“ ქვეპუნქტებით, 4² პუნქტის „ა.ა“, „ბ.ა“, „გ.ა“ ქვეპუნქტებით, 4³ პუნქტის „ა.ა“, „ბ.ა“, „გ.ა“ ქვეპუნქტებით და 4⁴ პუნქტის „ა.ა“, „ბ.ა“ და „გ.ა“ ქვეპუნქტებით გათვალისწინებულ დაჩქარებული მომსახურების გაწევის მიზნით, იგი იმავდროულად იღებს პერსონალური კონსულტანტის მომსახურებას. ასეთ შემთხვევაში, ამ წესით გათვალისწინებული განცხადების (პერსონალური კონსულტანტის მომსახურების მიღების მიზნით) წარდგენა არ ხდება.

2. ამ მუხლის პირველი პუნქტით გათვალისწინებული დაჩქარებული მომსახურების მოთხოვნის შემთხვევაში, პერსონალური კონსულტანტი დაუყოვნებლივ უკავშირდება დაინტერესებულ პირს და აცნობებს მის მიერ მომსახურების გაწევის შესახებ.

3. პერსონალური კონსულტანტის მომსახურება მოიცავს:

ა) განაშენიანების რეგულირების გეგმის გეგმარებითი დავალების ან განაშენიანების რეგულირების გეგმის დამტკიცებისათვის საჭირო დოკუმენტაციის შესახებ ინფორმაციის მიწოდებას;

ბ) განაშენიანების რეგულირების გეგმის გეგმარებითი დავალების ან განაშენიანების რეგულირების გეგმის დამტკიცებისათვის შესაბამის ადმინისტრაციულ ორგანოებში, კანონმდებლობით დადგენილი ვადების ფარგლებში ადმინისტრაციული წარმოებისათვის კოორდინაციის პროცესში ხელშეწყობას;

გ) განაშენიანების რეგულირების გეგმის გეგმარებითი დავალების ან განაშენიანების რეგულირების გეგმის განხილვის დროს, შესაბამისი ადმინისტრაციული ორგანოს მიერ გაცემული შენიშვნის/ხარვეზის/მოთხოვნის განმარტებას.

4. პერსონალური კონსულტანტის მომსახურება სრულდება ქალაქ თბილისის მუნიციპალიტეტის მთავრობის მიერ განაშენიანების რეგულირების გეგმის გეგმარებითი დავალების პროექტის და განაშენიანების რეგულირების გეგმის პროექტის შესახებ შესაბამისი გადაწყვეტილების მიღებისთანავე, მაგრამ არაუგვიანეს 3 თვეში.

5. ამ მუხლით გათვალისწინებული პერსონალური კონსულტანტის მომსახურებისათვის საფასური არ გადაიხდება.

6. ეს მუხლი არ მოქმედებს იმ შემთხვევაში, თუ პერსონალური კონსულტანტი უკვე ახორციელებს მომსახურებას ამ წესის შესაბამისად და ამ მომსახურების ფარგლებში დაინტერესებული პირის მიერ განხორციელდა ამ მუხლის პირველი პუნქტით გათვალისწინებული დაჩქარებული მომსახურების მოთხოვნა.

7. პერსონალური კონსულტანტის მიერ ამ მუხლის შესაბამისად მომსახურების გაწევის შემთხვევაში, მასზე ვრცელდება ამ წესით გათვალისწინებული დებულებები, თუ ამ მუხლით სხვა რამ არ არის დადგენილი.“

მუხლი 2.

დადგენილება ამოქმედდეს 2025 წლის პირველი თებერვლიდან.

**ქალაქ თბილისის მუნიციპალიტეტის
საკრებულოს თავმჯდომარე**

გიორგი ტყემალაძე

„ქალაქ თბილისის მუნიციპალიტეტის არასამეწარმეო (არაკომერციული) იურიდიული პირის „მუნიციპალური სერვისების განვითარების სააგენტოს“ მიერ გასაწევი ზოგიერთი ანაზღაურებადი მომსახურების სახისა და საფასურის ოდენობის დამტკიცების შესახებ“ ქალაქ თბილისის მუნიციპალიტეტის საკრებულოს 2021 წლის 7 სექტემბრის №87-81 დადგენილებაში ცვლილების შეტანის თაობაზე“

ქალაქ თბილისის მუნიციპალიტეტის საკრებულოს დადგენილების განმარტებითი ბარათი

ა.ა) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) მიზეზი:

„ქალაქ თბილისის მუნიციპალიტეტის არასამეწარმეო (არაკომერციული) იურიდიული პირის „მუნიციპალური სერვისების განვითარების სააგენტოს“ მიერ გასაწევი ზოგიერთი ანაზღაურებადი მომსახურების სახისა და საფასურის ოდენობის დამტკიცების შესახებ“ ქალაქ თბილისის მუნიციპალიტეტის საკრებულოს 2021 წლის 7 სექტემბრის №87-81 დადგენილებაში (შემდგომში - დადგენილება) 2023 წლის 20 ოქტომბერს განხორციელდა ცვლილება და დადგენილებას დაემატა „მუნიციპალური სერვისების პერსონალური კონსულტანტის მომსახურების პირობებისა და საფასურის ოდენობის განსაზღვრის წესი“, რითაც განისაზღვრა ქალაქ თბილისის მუნიციპალიტეტში ქალაქთმშენებლობითი დოკუმენტის შემუშავების, მშენებლობის ნებართვის გაცემისა და შენობა-ნაგებობის ექსპლუატაციაში მიღების პროცესში დაინტერესებული ფიზიკური ან/და იურიდიული პირებისათვის პერსონალური კონსულტანტის მიერ საკონსულტაციო მომსახურების გაწევის ფორმები და პირობები.

წარმოდგენილი საკრებულოს დადგენილების პროექტით, ცვლილება შედის დადგენილებაში და განისაზღვრება პერსონალური კონსულტანტის მომსახურების განსაკუთრებული პირობები.

ა.ბ) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) მიზანი:

პროექტის მიღების მიზანია, პერსონალური კონსულტანტის მომსახურების განსაკუთრებული პირობების დადგენა. კერძოდ, განისაზღვრება ის დაჩქარებული მომსახურებები რომლის მოთხოვნის შემთხვევაში დაინტერესებული პირი იმავდროულად იღებს პერსონალური კონსულტანტის მომსახურებას, პერსონალური კონსულტანტის მომსახურებისათვის საფასურის გადახდის გარეშე.

ა.გ) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) ძირითადი არსი:

ა.გ.ა) ცვლილება შედის დადგენილების პირველი მუხლის მე-2 პუნქტის „ნ“ ქვეპუნქტით დამტკიცებული წესის მე-6 მუხლის მე-5 პუნქტში და განისაზღვრება რომ პერსონალური კონსულტანტი იღებს შრომის ანაზღაურებას კანონმდებლობით დადგენილი წესით რაც, ქალაქ თბილისის მუნიციპალიტეტის მთავრობის გადაწყვეტილებით, შესაძლებელია მოიცავდეს ასევე დამატებით შრომის ანაზღაურების მიცემას თითოეულ ობიექტზე ან/და ამ წესის მე-9 მუხლის შესაბამისად გაწეული მომსახურებისათვის;

ა.გ.ბ) დადგენილების პირველი მუხლის მე-2 პუნქტის „ნ“ ქვეპუნქტით დამტკიცებული წესს ემატება მე-9 მუხლი, რომლითაც განისაზღვრება პერსონალური კონსულტანტის მომსახურების განსაკუთრებული პირობები, კერძოდ:

პირი, რომელიც ქალაქ თბილისის მუნიციპალიტეტის საჯარო სამართლის იურიდიულ პირს – ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს მიმართავს „ქალაქ თბილისის მუნიციპალიტეტის საჯარო სამართლის იურიდიული პირის – ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს მიერ დაჩქარებული მომსახურების გაწევისა და მასზე დაწესებული საფასურის გადახდის რეგულირების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 20 ოქტომბრის №31-74 დადგენილებით დამტკიცებული წესის მე-5 მუხლის 4¹ პუნქტის „ა.ა“, „ბ.ა“, „გ.ა“ ქვეპუნქტებით, 4² პუნქტის „ა.ა“, „ბ.ა“, „გ.ა“ ქვეპუნქტებით, 4³ პუნქტის „ა.ა“, „ბ.ა“, „გ.ა“ ქვეპუნქტებით და 4⁴ პუნქტის „ა.ა“, „ბ.ა“ და „გ.ა“ ქვეპუნქტებით გათვალისწინებულ დაჩქარებული მომსახურების გაწევის მიზნით, იგი იმავდროულად იღებს პერსონალური კონსულტანტის მომსახურებას. ასეთ შემთხვევაში ამ წესით გათვალისწინებული განცხადების (პერსონალური კონსულტანტის მომსახურების მიღების მიზნით) წარდგენა არ ხდება.

აღნიშნული დაჩქარებული მომსახურების მოთხოვნის შემთხვევაში, პერსონალური კონსულტანტი დაუყოვნებლივ უკავშირდება დაინტერესებულ პირს და აცნობებს მის მიერ მომსახურების გაწევის შესახებ.

აქვე ზუსტდება რას მოიცავს პერსონალური კონსულტანტის მომსახურება:

ა) განაშენიანების რეგულირების გეგმის გეგმარებითი დავალების ან განაშენიანების რეგულირების გეგმის დამტკიცებისათვის საჭირო დოკუმენტაციის შესახებ ინფორმაციის მიწოდებას;

ბ) განაშენიანების რეგულირების გეგმის გეგმარებითი დავალების ან განაშენიანების რეგულირების გეგმის დამტკიცებისათვის შესაბამის ადმინისტრაციულ ორგანოებში, კანონმდებლობით დადგენილი ვადების ფარგლებში ადმინისტრაციული წარმოებისათვის კოორდინაციის პროცესში ხელშეწყობას;

გ) განაშენიანების რეგულირების გეგმის გეგმარებითი დავალების ან განაშენიანების რეგულირების გეგმის განხილვის დროს, შესაბამისი ადმინისტრაციული ორგანოს მიერ გაცემული შენიშვნის/ხარვეზის/მოთხოვნის განმარტებას.

პერსონალური კონსულტანტის მომსახურება სრულდება ქალაქ თბილისის მუნიციპალიტეტის მთავრობის მიერ განაშენიანების რეგულირების გეგმის გეგმარებითი დავალების პროექტის და განაშენიანების რეგულირების გეგმის პროექტის შესახებ შესაბამისი გადაწყვეტილების მიღებისთანავე, მაგრამ არაუგვიანეს 3 თვეში.

მსგავს შემთხვევაში პერსონალური კონსულტანტის მომსახურებისათვის საფასური არ გადაიხდება.

ცვლილებით ასევე განისაზღვრება, რომ ეს წესი არ მოქმედებს იმ შემთხვევაში, თუ პერსონალური კონსულტანტი უკვე ახორციელებს მომსახურებას ამ წესის შესაბამისად და ამ მომსახურების ფარგლებში დაინტერესებული პირის მიერ განხორციელდა ამ მუხლის პირველი პუნქტით გათვალისწინებული დაჩქარებული მომსახურების მოთხოვნა.

პროექტი ამოქმედდება 2025 წლის პირველი თებერვლიდან.

ბ) პროექტის მიღებით გამოწვეული საფინანსო ეკონომიკური შედეგების გაანგარიშება:

პროექტის მიღება არ გამოიწვევს ბიუჯეტიდან დამატებითი სახსრების გამოყოფას.

გ) გენდერული თანასწორობის მდგომარეობაზე მოსალოდნელი ზეგავლენის შეფასება, რასაც გამოიწვევს პროექტის მიღება (გამოცემა):

ინიციატორის მოსაზრებით დადგენილების ამოქმედება არ მოახდენს ზეგავლენას გენდერული თანასწორობის მდგომარეობაზე.

დ) ბავშვის უფლებრივ მდგომარეობაზე ზეგავლენის შეფასება, რასაც გამოიწვევს პროექტის მიღება (გამოცემა):

დადგენილების ამოქმედება არ მოახდენს ზეგავლენას ბავშვთა უფლებრივ მდგომარეობაზე.

ე) პროექტის ავტორი:

ქალაქ თბილისის მუნიციპალიტეტის მერია.

ვ) პროექტის წარმდგენი:

ქალაქ თბილისის მუნიციპალიტეტის მერი.

ქალაქ თბილისის მუნიციპალიტეტის საკრებულოს

დადგენილება №

2024 წლის __

ქ. თბილისი

„ქალაქ თბილისის მუნიციპალიტეტის საჯარო სამართლის იურიდიული პირის – ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს მიერ დაჩქარებული მომსახურების გაწევისა და მასზე დაწესებული საფასურის გადახდის რეგულირების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 20 ოქტომბრის №31-74 დადგენილებაში ცვლილების შეტანის თაობაზე

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2 პუნქტის და „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ქალაქ თბილისის მუნიციპალიტეტის საკრებულო ადგენს:

მუხლი 1

შევიდეს ცვლილება „ქალაქ თბილისის მუნიციპალიტეტის საჯარო სამართლის იურიდიული პირის – ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს მიერ დაჩქარებული მომსახურების გაწევისა და მასზე დაწესებული საფასურის გადახდის რეგულირების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 20 ოქტომბრის №31-74 დადგენილებაში (ვებგვერდი: www.matsne.gov.ge, 20/10/2023წ., სარეგისტრაციო კოდი: 010250050.35.101.017140) და დადგენილებით დამტკიცებულის წესის:

ა) მე-5 მუხლის 4¹; 4²; 4³ და 4⁴ პუნქტები ჩამოყალიბდეს შემდეგი რედაქციით:

4¹. განაშენიანების რეგულირების გეგმების გეგმარებითი დავალების განხილვა:

ა) ერთი ჰექტარის ჩათვლით მიწის ნაკვეთზე:

ა.ა) 10 დღეში – 10000 ლარი;

ა.ბ) 30 დღეში – 3000 ლარი;

ა.გ) 45 დღეში – 2000 ლარი;

ა.დ) 60 დღეში – 1000 ლარი;

ა.ე) 3 თვეში – უფასო;

ბ) ერთ ჰექტარზე მეტი მოცულობის მიწის ნაკვეთზე, მაგრამ არაუმეტეს ხუთი ჰექტარის ჩათვლით:

ბ.ა) 10 დღეში – 17000 ლარი;

ბ.ბ) 30 დღეში – 6000 ლარი;

ბ.გ) 45 დღეში – 3000 ლარი;

ბ.დ) 60 დღეში – 1500 ლარი;

ბ.ე) 3 თვეში – უფასო;

გ) ხუთ ჰექტარზე მეტი მოცულობის მიწის ნაკვეთზე:

გ.ა) 10 დღეში – 30000 ლარი;

გ.ბ) 30 დღეში – 12000 ლარი;

გ.გ) 45 დღეში – 6000 ლარი;

გ.დ) 60 დღეში – 3000 ლარი;

გ.ე) 3 თვეში – უფასო.

42. განაშენიანების რეგულირების გეგმის გეგმარებითი დავალების კორექტირებული პროექტის განხილვა:

ა) ერთი ჰექტარის ჩათვლით მიწის ნაკვეთზე:

ა.ა) 10 დღეში – 10000 ლარი;

ა.ბ) 30 დღეში – 3000 ლარი;

ა.გ) 45 დღეში – 2000 ლარი;

ა.დ) 60 დღეში – 1000 ლარი;

ა.ე) 3 თვეში – უფასო;

ბ) ერთ ჰექტარზე მეტი მოცულობის მიწის ნაკვეთზე, მაგრამ არაუმეტეს ხუთი ჰექტარის ჩათვლით:

ბ.ა) 10 დღეში – 17000 ლარი;

ბ.ბ) 30 დღეში – 6000 ლარი;

ბ.გ) 45 დღეში – 3000 ლარი;

ბ.დ) 60 დღეში – 1500 ლარი;

ბ.ე) 3 თვეში – უფასო;

გ) ხუთ ჰექტარზე მეტი მოცულობის მიწის ნაკვეთზე:

გ.ა) 10 დღეში – 30000 ლარი;

გ.ბ) 30 დღეში – 12000 ლარი;

გ.გ) 45 დღეში – 6000 ლარი;

გ.დ) 60 დღეში – 3000 ლარი;

გ.ე) 3 თვეში – უფასო.

4³. განაშენიანების რეგულირების გეგმის განხილვა:

ა) ერთი ჰექტარის ჩათვლით მიწის ნაკვეთზე:

ა.ა) 10 დღეში – 15000 ლარი;

ა.ბ) 30 დღეში – 5000 ლარი;

ა.გ) 45 დღეში – 3000 ლარი;

ა.დ) 60 დღეში – 1500 ლარი;

ა.ე) 3 თვეში – უფასო;

ბ) ერთ ჰექტარზე მეტი მოცულობის მიწის ნაკვეთზე, მაგრამ არაუმეტეს ხუთი ჰექტარის ჩათვლით:

ბ.ა) 10 დღეში – 25000 ლარი;

ბ.ბ) 30 დღეში – 10000 ლარი;

ბ.გ) 45 დღეში – 6000 ლარი;

ბ.დ) 60 დღეში – 3000 ლარი;

ბ.ე) 3 თვეში – უფასო;

გ) ხუთ ჰექტარზე მეტი მოცულობის მიწის ნაკვეთზე:

გ.ა) 10 დღეში – 45000 ლარი;

გ.ბ) 30 დღეში – 20000 ლარი;

გ.გ) 45 დღეში – 12000 ლარი;

გ.დ) 60 დღეში – 6000 ლარი;

გ.ე) 3 თვეში – უფასო.

4⁴. განაშენიანების რეგულირების გეგმის კორექტირებული პროექტის განხილვა:

ა) ერთი ჰექტარის ჩათვლით მიწის ნაკვეთზე:

ა.ა) 10 დღეში – 15000 ლარი;

ა.ბ) 30 დღეში – 5000 ლარი;

ა.გ) 45 დღეში – 3000 ლარი;

ა.დ) 60 დღეში – 1500 ლარი;

ა.ე) 3 თვეში – უფასო;

ბ) ერთ ჰექტარზე მეტი მოცულობის მიწის ნაკვეთზე, მაგრამ არაუმეტეს ხუთი ჰექტარის ჩათვლით:

ბ.ა) 10 დღეში – 25000 ლარი;

ბ.ბ) 30 დღეში – 10000 ლარი;

ბ.გ) 45 დღეში – 6000 ლარი;

ბ.დ) 60 დღეში – 3000 ლარი;

ბ.ე) 3 თვეში – უფასო;

გ) ხუთ ჰექტარზე მეტი მოცულობის მიწის ნაკვეთზე:

გ.ა) 10 დღეში – 45000 ლარი;

გ.ბ) 30 დღეში – 20000 ლარი;

გ.გ) 45 დღეში – 12000 ლარი;

გ.დ) 60 დღეში – 6000 ლარი;

გ.ე) 3 თვეში – უფასო.

ბ) მე-5 მუხლს დაემატოს შემდეგი შინაარსის შენიშვნა:

„შენიშვნა:

დაინტერესებული პირი, ამ მუხლის 4¹ პუნქტის „ა.ა“, „ბ.ა“, „გ.ა“ ქვეპუნქტებით, 4² პუნქტის „ა.ა“, „ბ.ა“, „გ.ა“ ქვეპუნქტებით, 4³ პუნქტის „ა.ა“, „ბ.ა“, „გ.ა“ ქვეპუნქტებით და 4⁴

პუნქტის „ა.ა“, „ბ.ა“ და „გ.ა“ ქვეპუნქტებით გათვალისწინებული დაჩქარებული მომსახურების გაწევის მოთხოვნის შემთხვევაში, იმავდროულად იღებს პერსონალური კონსულტანტის მომსახურებას „ქალაქ თბილისის მუნიციპალიტეტის არასამეწარმეო (არაკომერციული) იურიდიული პირის „მუნიციპალური სერვისების განვითარების სააგენტოს“ მიერ გასაწევი ზოგიერთი ანაზღაურებადი მომსახურების სახისა და საფასურის ოდენობის დამტკიცების შესახებ“ ქალაქ თბილისის მუნიციპალიტეტის საკრებულოს 2021 წლის 7 სექტემბრის №87-81 დადგენილების პირველი მუხლის მე-2 პუნქტის „ნ“ ქვეპუნქტით დამტკიცებული „მუნიციპალური სერვისების პერსონალური კონსულტანტის მომსახურების პირობებისა და საფასურის ოდენობის განსაზღვრის წესის“ (დანართი №13) შესაბამისად.“.

მუხლი 2

დადგენილება ამოქმედდეს 2025 წლის პირველი თებერვლიდან.

ქალაქ თბილისის მუნიციპალიტეტის

საკრებულოს თავმჯდომარე

გიორგი ტყემალაძე

„ქალაქ თბილისის მუნიციპალიტეტის საჯარო სამართლის იურიდიული პირის – ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს მიერ დაჩქარებული მომსახურების გაწევისა და მასზე დაწესებული საფასურის გადახდის რეგულირების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 20 ოქტომბრის №31-74 დადგენილებაში ცვლილების შეტანის თაობაზე“ ქალაქ თბილისის მუნიციპალიტეტის საკრებულოს დადგენილების განმარტებითი ბარათი

ა.ა) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) მიზეზი:

ქალაქ თბილისის მუნიციპალიტეტის მთავრობის მიერ 2024 წლის 18 დეკემბრის N24.2186.2451 განკარგულებით მოხდა „ქალაქ თბილისის მუნიციპალიტეტის არასამეწარმეო (არაკომერციული) იურიდიული პირი „მუნიციპალური სერვისების განვითარების სააგენტოს“ მიერ გასაწევი ზოგიერთი ანაზღაურებადი მომსახურების სახისა და საფასურის ოდენობის დამტკიცების შესახებ“ ქალაქ თბილისის მუნიციპალიტეტის საკრებულოს 2021 წლის 7 სექტემბრის №87-81 დადგენილებაში ცვლილების შეტანის თაობაზე“ და „ქალაქ თბილისის მუნიციპალიტეტის საჯარო სამართლის იურიდიული პირის – ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს მიერ დაჩქარებული მომსახურების გაწევისა და მასზე დაწესებული საფასურის გადახდის რეგულირების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 20 ოქტომბრის №31-74 დადგენილებაში ცვლილების შეტანის თაობაზე“ ქალაქ თბილისის მუნიციპალიტეტის საკრებულოს დადგენილებების მოწონება.

პროექტის მიღების მიზეზია, მოხდეს ქალაქ თბილისის მუნიციპალიტეტის მიერ, საკუთარი კომპეტენციის ფარგლებში, მისაწოდებელი მომსახურებების ხარისხის დახვეწა, ეფექტურობისა და მოცულობის გაზრდა, შესაბამისი რეგულირების დადგენა ისეთი შემთხვევებისათვის, როდესაც დაინტერესებული პირი, რომელიც მიმართვას ქ. თბილისის მუნიციპალიტეტის საჯარო სამართლის იურიდიულ პირს – ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს დაჩქარებული მომსახურების გაწევის მიზნით, დაინტერესებულმა პირმა იმავდროულად მიიღოს პერსონალური კონსულტანტის მომსახურება, რომელიც მას ავტომატურად დაენიშნება.

ა.ბ) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) მიზანი:

პროექტის მიღების მიზანია, მოხდეს ქალაქ თბილისის მუნიციპალიტეტის მიერ, საკუთარი კომპეტენციის ფარგლებში, მისაწოდებელი მომსახურებების ხარისხის დახვეწა, ეფექტურობისა და მოცულობის გაზრდა, დაჩქარებული მომსახურებების გაწევისათვის შესაბამისი მომსახურებების საფასურების განსაზღვრა. ასევე, პროექტის მიღების მიზანია, „ქალაქ თბილისის მუნიციპალიტეტის საჯარო სამართლის იურიდიული პირის – ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს მიერ დაჩქარებული მომსახურების გაწევისა და მასზე დაწესებული საფასურის გადახდის რეგულირების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 20 ოქტომბრის №31-74 დადგენილებით დამტკიცებული წესის

(შემდგომში - წესი) შესაბამისობაში მოყვანა „ქალაქ თბილისის მუნიციპალიტეტის არასამეწარმეო (არაკომერციული) იურიდიული პირი „მუნიციპალური სერვისების განვითარების სააგენტოს“ მიერ გასაწევი ზოგიერთი ანაზღაურებადი მომსახურების სახისა და საფასურის ოდენობის დამტკიცების შესახებ“ ქალაქ თბილისის მუნიციპალიტეტის საკრებულოს 2021 წლის 7 სექტემბრის №87-81 დადგენილებაში შესატან ცვლილებთან.

ა.გ) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) ძირითადი არსი:

წესით (შემდგომში - წესი) განსაზღვრულ 10 დღიანი მომსახურებების საფასურების განაკვეთები იზრდება. კერძოდ, მე-5 მუხლის:

4¹. განაშენიანების რეგულირების გეგმების გეგმარებითი დავალების განხილვა:

ა) ერთი ჰექტარის ჩათვლით მიწის ნაკვეთზე 10 დღეში ხდება 10000 ლარი, ნაცვლად 5000 ლარისა;

ბ) ერთ ჰექტარზე მეტი მოცულობის მიწის ნაკვეთზე, მაგრამ არაუმეტეს ხუთი ჰექტარის ჩათვლით 10 დღეში ხდება 17000 ლარი, ნაცვლად 10 000 ლარისა;

გ) ხუთ ჰექტარზე მეტი მოცულობის მიწის ნაკვეთზე 10 დღეში ხდება 30000 ლარი, ნაცვლად 20 000 ლარისა;

4². განაშენიანების რეგულირების გეგმის გეგმარებითი დავალების კორექტირებული პროექტის განხილვა:

ა) ერთი ჰექტარის ჩათვლით მიწის ნაკვეთზე 10 დღეში ხდება 10000 ლარი, ნაცვლად 5000 ლარისა;

ბ) ერთ ჰექტარზე მეტი მოცულობის მიწის ნაკვეთზე, მაგრამ არაუმეტეს ხუთი ჰექტარის ჩათვლით 10 დღეში ხდება 17000 ლარი, ნაცვლად 10000 ლარისა

გ) ხუთ ჰექტარზე მეტი მოცულობის მიწის ნაკვეთზე 10 დღეში ხდება 30000 ლარი, ნაცვლად 20 000 ლარისა;

4³. განაშენიანების რეგულირების გეგმის განხილვა:

ა) ერთი ჰექტარის ჩათვლით მიწის ნაკვეთზე 10 დღეში ხდება 15000 ლარი, ნაცვლად 7500 ლარისა;

ბ) ერთ ჰექტარზე მეტი მოცულობის მიწის ნაკვეთზე, მაგრამ არაუმეტეს ხუთი ჰექტარის ჩათვლით 10 დღეში ხდება 25000 ლარი, ნაცვლად 15000 ლარისა;

გ) ხუთ ჰექტარზე მეტი მოცულობის მიწის ნაკვეთზე 10 დღეში ხდება 45000 ლარი, ნაცვლად 3000 ლარისა;

4⁴. განაშენიანების რეგულირების გეგმის კორექტირებული პროექტის განხილვა:

ა) ერთი ჰექტარის ჩათვლით მიწის ნაკვეთზე 10 დღეში ხდება 15000 ლარი, ნაცვლად 7500 ლარისა;

ბ) ერთ ჰექტარზე მეტი მოცულობის მიწის ნაკვეთზე, მაგრამ არაუმეტეს ხუთი ჰექტარის ჩათვლით 10 დღეში ხდება 25000 ლარი, ნაცვლად 15000 ლარისა;

გ) ხუთ ჰექტარზე მეტი მოცულობის მიწის ნაკვეთზე 10 დღეში ხდება 45000 ლარი, ნაცვლად 30 000 ლარისა.

პროექტით, წესის მე-5 მუხლს ემატება შენიშვნა, რომლის თანახმადაც დაინტერესებული პირი, ამ მუხლის 4¹ პუნქტის „ა.ა“, „ბ.ა“, „გ.ა“ ქვეპუნქტებით, 4² პუნქტის „ა.ა“, „ბ.ა“, „გ.ა“ ქვეპუნქტებით, 4³ პუნქტის „ა.ა“, „ბ.ა“, „გ.ა“ ქვეპუნქტებით და 4⁴ პუნქტის „ა.ა“, „ბ.ა“ და „გ.ა“ ქვეპუნქტებით გათვალისწინებული დაჩქარებული მომსახურების გაწევის

მოთხოვნის შემთხვევაში, იმავდროულად იღებს პერსონალური კონსულტანტის მომსახურებას „ქალაქ თბილისის მუნიციპალიტეტის არასამეწარმეო (არაკომერციული) იურიდიული პირის „მუნიციპალური სერვისების განვითარების სააგენტოს“ მიერ გასაწევი ზოგიერთი ანაზღაურებადი მომსახურების სახისა და საფასურის ოდენობის დამტკიცების შესახებ“ ქალაქ თბილისის მუნიციპალიტეტის საკრებულოს 2021 წლის 7 სექტემბრის №87-81 დადგენილების პირველი მუხლის მე-2 პუნქტის „ნ“ ქვეპუნქტით დამტკიცებული „მუნიციპალური სერვისების პერსონალური კონსულტანტის მომსახურების პირობებისა და საფასურის ოდენობის განსაზღვრის წესის“ (დანართი №13) შესაბამისად.

პროექტით ცვლილებები ამოქმედდება 2025 წლის პირველი თებერვლიდან.

ბ) პროექტის ფინანსურ-ეკონომიკური დასაბუთება:

პროექტის მიღება არ გამოიწვევს დამატებითი თანხების გამოყოფას ბიუჯეტიდან.

გ) ბავშვის უფლებრივ მდგომარეობაზე ზეგავლენის შეფასება, რასაც გამოიწვევს პროექტის მიღება (გამოცემა):

დადგენილების ამოქმედება არ მოახდენს ზეგავლენას ბავშვთა უფლებრივ მდგომარეობაზე.

დ) გენდერული თანასწორობის მდგომარეობაზე მოსალოდნელი ზეგავლენის შეფასება:

პროექტის ინიციატორის მოსაზრებით, პროექტი არ ახდენს ზეგავლენას გენდერული თანასწორობის მდგომარეობაზე.

ე) პროექტის ავტორი:

პროექტის ავტორია ქალაქ თბილისის მუნიციპალიტეტის მერია.

ვ) პროექტის წარმდგენი:

პროექტის წარმდგენია ქალაქ თბილისის მუნიციპალიტეტის მერი.